

Redovni izvještaj dnevnih događaja i pojava

Izvještaj se odnosi na događaje u vremenskom periodu od 18.08.2026. godine od 08:00 sati do 19.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća je imala četiri intervencije na gašenju požara:

- Od 20:06 do 21:00 sati u mjestu Stare Kralje, gorjelo je smeće.
- Od 21:20 do 22:18 sati u mjestu Račić, do dolaska na lice mjesta vatra se ugasila tako da nije bilo potrebe za gašenjem.
- Od 21:34 do 22:19 sati u mjestu Izačić, gorjela je trava.
- U ranim jutarnjim satima 16.08.2026. godine došlo je do požara u reonu Baljevca na planini Plješevici. Požar je i dalje aktivan ali smanjenog inteziteta. Juče tokom dana gašenju i stavljanju požara pod kontrolu pomagao je i helikopter Oružanih snaga BiH. Na terenu se, osim pripadnika Vatrogasne jedinice Bihać, nalaze i radnici ŠPD „Unsko-sanske šume“ – Šumarija Bihać, pripadnici GSS-a i članovi humanitarne organizacije SOS.

Općina Bosanski Petrovac. Požar mješovite šume na Grmeču, lokacija Crni Vrh, je i dalje aktivan. Prethodnih dana u gašenju je učestvovalo 100-150 radnika Šumarije Bosanski Petrovac uz podršku i pomoć vatrogasaca iz Bosanskog Petrovca. Gašenje otežava nepristupačan teren i to što vatra tinja duboko ispod sloja lišća. Jučer u večernjim satima poslan je zahtjev za pomoć Oružanih snaga BiH u gašenju ovog požara.

Tehničke intervencije

Grad Bihać. Vatrogasna jedinica grada Bihaća imala je jednu tehničku intervenciju na sapiranj u ceste poslije saobraćajne nesreće od 12:35 do 13:10 sati u ulici Bedem.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Zbog radova na izgradnji pješačke staze, saobraća se usporeno, naizmjeničnim propuštanjem vozila uz ručnu regulaciju saobraćaja u gradu Bihaću.

Duge su kolone vozila na izlazu iz Bosne i Hercegovine na graničnom prelazu Izačić, na ostalim graničnim prelazima, za sada, putnička vozila ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se sedam saobraćajnih nezgoda.

Jedno lice zadobilo je lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin. Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim. Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 18 °C.

Vodostaj rijeke Une iznosi 20 cm, (početak obavještanja je 100 cm).

U općini Sanski Most u 08:00 sati temperatura je iznosila 19 °C.

Vodostaj rijeke Sane iznosi 74 cm (početak obavještanja je 310 cm).